

Testnan mester bay Rotterdam:

Pa awor no tin ningun Test na Aruba pa confirma of descarta Chikungunya

ORANJESTAD (AAN) – Sra. Drs. Maribel Tromp, Hefe di Seccion di Epidemiologia di Departamento Salubridad Publico, a hiba palabra den conferencia di prensa, y el a amplia e datonan tocante e virus Chikungunya, den e region di Caribe.

Sra. Tromp a menciona cu e departamento ta traha hunto cu CARFA (antes Carec), y debi cu e alerta a wordo haci pa henter e Continente Americano y tambe Region di Caribe, y for di November caba nan tin informacion tocante e virus Chikungunya, y nan ta bezig trahando riba dje.

E informe mas actualiza cu nan a haya ta di fecha 20 di Januari awor y eigenlijk tin nueve Isla den Caribe, incluyendo Guyana Frances, cu tin casonan probable, confirma, y sospechoso di Chikungunya, unda cu den Sint Maarten tanto Frances como Hulandes, nan ta considera cu tin un outbreak actualmente.

Na Sint Maarten so tin entre 700 pa 800 caso, incluyendo confirma y sospechoso ademas di un morto.

Den Martinique y Guadalupe tambe tin caso, na Guyana Frances tambe tin un caso pero importa for di Martinique, Islanan Birgen

Britanico, Dominique y for di diarazon Aruba tambe ta subi na e lista aki cu tres caso probable, importa.

Carfa ta pidi hopi cautela voo'al cu criaderonan na cas, pasobra evita/elimina nan ta e unico manera pa preveni cu e malesa aki no plama.

E mesun medidanan cu dengue mester wordo tuma den e caso aki.

Departamento di Salud di Aruba ta keda den contacto cu Carfa constantemente, y tambe cu prensa, y nan lo saca mas informacion por ehemplo riba e aspecto clinico y e diferencia entre Chikungunya y Dengue. Dengue ta keda e virus mas severo, pero pa e grupo di hende mayor di sesenta aña Chikungunya ta keda un peligro.

Sra. Maribel Tromp a subraya cu no tin ningun test regional, actualmente. Testnan academico so tin, y nan mester wordo manda afo.

Di Aruba nan ta wordo manda pa Rotterdam, Hulanda y ta bay tuma su tempo pa confirma of descarta, e diagnostico di Chikungunya.

Debi cu e virus a haci pa prome biaha su entrada den nos region, nan ta bezig cu Carfa y PAHO pa bin cu kits mas pronto posible pa nos region, pa por detecta e

malesa aki mas pronto posible.

Departamento de Salud constantemente, e informacion. Publico ta keda actualiza,

